

Ebe ni iPọlu ọ keke ghi iFilemọ

¹ Mhemhe iPọlu ni a ri itobọ khi mhi a gbe akanya na iJesu iKirisiti mu shi oḡba ighumha, mhi keke ebe ona, ali iTimoti. iFilemọ omole anye ni anye ga a gbe akanya, a keke ọli ghi, ² li shi igbaa oyi eni e mie iJesu iKirisiti suo ni o la owa oye ali inyoghuo awa ni ọkpotso na lui Apfia ali Achiposi ni anye ga khi ekholi-okhue eyi Eshinegba.* ³ Eshinegba Ita awa ali iJesu iKirisiti Onomhue e ka li okhale na e, e ri ofomhe na e.

Inono ali iregbenga ni iFilemọ ọ mhọli

⁴ iFilemọ, eghẹghe kpa mhi ro kphemhi na Eshinegba ini mhia so iromhi ne. ⁵ Irari khi mhi suo inono ni u mhọli na egbo eyi Eshinegba nya ali irudunga ni u mhue shi iJesu Onomhue. ⁶ Iromhi ni mhia so khi, o ze ni ilakugbe oyawa abi eni e mhọli irudunga oghuo, o ri awa lese ikhivose nya, ni awa mhọli irari khi awa kugbe iKirisiti o. ⁷ Inono oye i, inyoghuo-mhe, o she ri ukpokpomhi oghẹle ghi mhe, o gbo ri udu shi mhe o! U gbo guise udu oyi eni e miesuo le.

IPọlu ọ so iromhi na Onesimusi

⁸ Itobọ igho, ini o riẹ khia khi mhi kha dobe mhesẹ ne emini o ti ni u riẹle abi inyoghuoel-emhi iKirisiti, ⁹ mhi ya ri itobọ inono lema e, abi mhemhe iPọlu ni o she khi ogbhali ni mhi gbo khi

* **1:2** Li ze iKolo 4.17

ọni ọọ ga ọyi iJesu iKirisiti memena. ¹⁰ Mhi lema ẹ shi itobọ ọyi Onẹsimusi ni ọ la elemhi ọgba ighumha ana mele omimhẹ-a.† ¹¹ Ni o khia khi waa ke kpe mhuẹ emini a rọli ẹ riẹlẹ, ama memena, ọ she mhuẹ emini awa rọli ya riẹlẹ.

¹² Mhi ghie ọli nyenẹ egbe ẹ ghi ẹ, rọte ekelemhi udu inono oyemhẹ. ¹³ Mhii kha zẹ ọli obọ ni ọ nu mhẹ la akana ni ọ to ẹloli ẹ ke ri ẹloe khu mhẹ abi mhi li la ọgba oghumha ena shi usomhi onete ọyi Ẹshinegba. ¹⁴ Ama mhi aa nono ni mhi riẹlẹ emhi okhọghuo ni u waa lama shi, ni a rọ bhale ya ẹ khi ikanya enete ni u gbe, eri u rọte elemhi udu gbe wẹ. Ni ọa khi eri a tanọ ẹ abọ shi ọ. ¹⁵ A dobẹ ẹ mẹ khi eri Onẹsimusi ọ rọte ẹ obọ vu ukuku ẹghẹghẹ, ni ọ kha ke jele deba ẹ, ọ nu ẹ la agbọagbọ. ¹⁶ Ọa ke khi oghumha tşẹ, ama ọ fu doşẹ oghumha, inyọghuo awa elemhi iKirisiti ọ ke khi. Ọni awa nono ingme oyọli egbegbọ ọ khi, abi ọgbọ ali inyọghuo, elemhi Onomhẹ.

¹⁷ Ini o khia khi u lẹşẹ mhẹ shi ọnuzava ọyẹ, gbo mie ọli abi u kha li mie mhẹ. ¹⁸ Ama ini o khia khi ọ lue nẹ, okekha khi eri ọ lo ẹ ota, ku ota eyọli lo ẹkuẹ oyemhẹ. ¹⁹ Mhẹmhẹ iPolu mhi ri obọ oyemhẹ ẹ keke ebe ona. Mhiẹ yẹ khi mhi ya fali ẹ ẹwẹ. Mhia ke khi ọni ọ ke gbolo ẹ yele ẹ le khi mhẹmhẹ mhi mholi agbọ oyẹ nya. ²⁰ Irarighọ, inyọghuo, ri ikpaghiobọ ona na mhẹ itobọ Onomhẹ, abi inyọghuo ni awa ga mie iKirisiti suọ ri oghẹlẹ shi mhẹ udu. ²¹ Mhi lẹşẹ gboo khi abi mhi liẹ keke ebe ona ghi ẹ, khi u ya riẹlẹ emini mhiẹ u riẹlẹ, mhi ga lẹşẹ khi u ya riẹlẹ doşẹ abi mhiẹ u li riẹlẹ.

† **1:10** Li zẹ iKolo 4.9

²² Gbo li riẹlẹ elemhi owa oghuo shi eke kẹ mhe. Irari khi mhi lẹse khi a ya rue mhe obọ a na e, ni o ri iromhi ni a sọ bhale ya tse.

²³ Epafurasi ni anye ga khi eni eẹ ga eyi iJesu iKirisiti, oọ tse e.† ²⁴ Igho li khi iMaki ali Arisitakusi ali iDemasi ali iLuku ni anye ga gbe akanya, eẹ tse e.§

²⁵ Okhale oyi iJesu iKirisiti Onomhue o ka la ayemhe oyi eẹ nya.

† **1:23** Li ze iKolo 1.7; 4.12 § **1:24** Li ze Ika 12.12,25; 13.13; 15.37-39; 19.29; 27.2; iKolo 4.10,14; 2 iTimo 4.10,11

Ebe-No-Pfuasę Ishobo Onogbo
New Testament in Ivbie North-Okpela-Arhe
(NI:atg:Ivbie North-Okpela-Arhe)

copyright © 2012 Wycliffe Bible Translators, Inc.

Language: Ivbie North-Okpela-Arhe

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789194797

The New Testament

in Ivbie North-Okpela-Arhe

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 11 Nov 2022 from source files
dated 29 Jan 2022

03be06b0-68fd-500b-b9a9-6bca4b63979a